



partii naleraq

Nuuk 26. sept. 2019

UKA 2019/140

Jens Napätök, Partii Naleraq

Uunga siunnersuut: Inissianik aningaasalersuisarneq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq. (Inissialiortiternermut tapiissutitalimmik illulianik iluarsaassinermut, pitsannqorsaannermut alliliinermullu taarsigassarsititsisarneq tapiissuteqartarnerlu)

Ineqarnermut Attaveqaqatigiinnermullu Naalakkersuisoq

Inissianik aningaasalersuisarneq pillugu Inatsisartut inatsisaata allanngortinneqarnera pillugu Inatsisartut inatsisaattut siunnersuut (nr. xx, xx. xxx 2019-imeersoq.) normulerneqarnanilu suli ullulerneqarsimanngitsoq Partii Naleqqamiit imatut oqaaseqarfignissavarput.

Partii Naleqqami eqqartorluareerlugu taamatullu nalilersuilluareerluta oqaatigeqqissavarput pingaartitarilluinnaripput nunarput tamaat inoqarfiit tamarmik assigiaarnerusumik periarfissaqaannaratik piorsaaffignissariaqalersut.

Ukiuni amerlavallaarujussualersuni sumiiffinni amerlasuuni ineqarnikkut inerisaasimanerigaluaq kinguariangaatsiarluni inissisimalersimavoq, tamannalu ilorraap tungaanut saateqqinneqarnissaanut oqariartortuarpugut aammalu Partii Naleqqamiit tusaaneqarnerulerluta misigisimalerpugut oqaasiinnaanngitsunik qanoq iliuseqarnissamik piumassuseqarneq annertuneruleriartortoq takusinnaagatigu.

Takorluukkat anguniakkat oqaasiinnaanatik timitaqarnerulernissaat pisariaqarpoq, taakkulu oqaasertalersortakkagut oqaatsit kusassakkat timitaqanngitsut timitaqarnerulernissaanik tamaviaaruteqarnitsinnut oqaaserisartakkagut aaliangiusimavagut.

Inatsisartut inatsisaat nr. 39, 23. November 2017-imeersoq maani oqaluttarfimminngaaniit eqqartuifgisarnikoqqaarput aningaasat annikeqisut immikkoortineqartartut atorneqartannginnerat imaluunniit annikippallaarujussuurtumik atorneqartarnerat pillugu aporfiusartut piiarneqarnissaat Naalakkersuisut suliniuteqarfigineqarnissaat.

Tamakku aaqqinneqaqquneqartuartut tamarmik aaqqiifiginngivillugit aaqqiiffigeqqaannguarnagit maannakkut una teknikkimut aaqqissutissaannartut maanna saqqummiunneqarpoq, kisiannili sinaakkutissartai pisaqariaqarluinnartut inatsisissamut tunngassuteqartut immikkut imm 141-mi kingusinnerusukkut aatsaat suliarisussaagipput Partii Naleqqamiit uggornartuutipparput taamatut tulleriaarneqarsimanerat ilaatigut soorlulusooq killormoortutut taaneqarsinnaalluni.

Namminersornerullutik oqartussat ingerlanneranni sanaartornerit ukiorpassuarni ingerlanneqasimasut maanna unitsinneqarluinnarsimasut ilaatigut ukiut 33-it akilersoreerlugit nutaangilisut, taamatullu suli akilersorneqartut nutarterneqarsinnaanerit periarfissatigut annikippallaarsimasut maanna uani aammaarluta nalilersuiffignissallugit periarfissatsiarsuaq



partii naleraq

Nuuk 26. sept. 2019

UKA 2019/140

Jens Napätök, Partii Naleraq

aaqqiiniarnermik atornagu kommunimut miloriunniarneqaannarniarneqarnera assorujussuaq aggornarpoq.

Sinnaakkutigisat naleqqussaqqaarnagit taamatut kommunimut miloriussiinnarniartoqarnera Partii Naleqqamiit akuersaaginnarnianngilaput, isumaqaratta Kommunit akisussaaffiit tigoorartagai pitsaasumik torersumik pitsaaasumillu suliarineqarsimallutik innuttaasunut pitsaasumik sunniuteqartussaasoq qitiutillugu

Tusarniaanermi SIK oqariartuuteqarsimavoq assigiinngititsineq pilersinnaanera aalleqqutigalugu aammalu aningaasat siunertamut atorneqaratik allamut atorneqarsinnaanerat aalleqqutigalugu qulaajaasimanerit ingerlanneqarsimannngitsut naleqqussaasoqaranilu.

Tapiisinnaaneq annerpaamik 150.000 kr. Tikillugu kommunalbestyrelse pisinnaatitaaffigilissagaat oqaatigineqartoq kan. Tassa pisinnaasoq uagut allanngortikkusupparput, skal tassalu taamaaliortoqartassasoq, aningaasaliissutaasut atorlugit aaqqiisoqartarnissaa periarfissaalissasoq.

Aporfissat amerlavallaarujussuarmata isumaqarpugut aporfippassuit aaqqeqqaarnagut ajornartorsiutaasut aaqqinngivillugit kommuninut milioriunneqaannassasut.

Taamatullu taamatut tapiissuteqarsinnaanermut 180.000 ataallugu kisimik inissisimanerat ullutsinnut naleqqukkunnaarsimasoq aammalu akunnattunut isertitaqanngitsut taamaallaat kisimik qinnuteqarsinnaanerat apeqquserparput, ullutsinnut naleqqussartariaqarparput.

Aningaasaliissutaasartunut igalaanut matunut allanullu kisimi periarfissiisoqarnerata saniatigut nutaanngilisut ullutsinnut naleqqussarlugit najoruminarsaqqinnissaat ilanngullugu aaqqiiffiqarsinnaanngorlugit qulaajaaffigilluareerlugit aaqqereerlugit kommuninut tunniuttariaqarput.

Aningaasanut inatsisissamut ilanngullugit tamatuma naleqqussarlugu aaqqiiffiginnaangorlugit aaqqiiffiginissaat kaammattuutigiarput.

Partii Naleqqamiit isumaqarpugut hovedkonto 87.72.23-imi aningaasaliissutaasartut ukiut missingersuusiorfiusut ilanngullugit tunniunneqartartut anikippallaartut isumaqaratta annertusinissaat ilutigalugu qinnuteqarfigisinnaanerisa aporfissat amerlavallaartut annikillisarlugit ataatsimiititaliami suliarineqarnissaat kaammattuutigiarput

Taamatut oqaaseqarluta ataatsimiititaliami aporfiit piarlugit suliarissagai kaammattuivugut inatsimmi taamatut isikkoqartiinnarlugu tunniunneqaannarnissaat aaqqiinerunngimmat.